

# KASZĘBSKŌ JEDNOTA

## Sztatut

### I DZÉL ÒGLOWÉ ROZSĄDZENIA

1. Stowôra mô pòzwã Kaszëbskô Jednota ě w dalszim dzélu je zwónô Stowôrã.
2. Terenã dziejaniégò Stowôrë je Pòlskô Repùblika.
3. Dlô realizacje sztatutowëch célów Stowôra mòże dziejac bùten Pòlszczi Repùbliczi na terenie jinëch państwów, z ùwòżaniem dlô môlowégò prawa.
4. Sedzbã Stowôrë je miasto Gdiniô.
5. Stowôra mô prawnã òsobòwòsc.
6. Stowôra twòrzi môlowé karna.
7. Stowôra mòże bëc nôležnikã krajewëch i midzënòrodnëch òrganizacjów ò szlachùjącëch célach.
8. Stowôra swòje dziejanie òpiérò na spòlëznowi robòce nôležników. Do prowadzeniégò swòjëch sprawów mòże przëjimac robòtników. Pasownym òrganã w ti sprawie je Zarząd Stowôrë.
9. Pòzwa ě symbòle Stowôrë ùziwają prawny òchrónë.
10. Kùli razy w tim Sztatuce gòdka je ò „wëszëznach Stowôrë” rozmieje sã bez to òrganë Stowôrë.
11. Wëszëznë Stowôrë wëpòwiadają swòjã wòlã w fòrmie ùchwòlënków. Ùchwòlënczi wëszëznów Stowôrë, pòdjimóné w sprawach bãdącëch w òbrëmieniu jich dziejaniégò, sã òbrzëszné dlô niższich wëszëznów, a téz nôležników Stowôrë, chtërnëch tikają sã ne ùchwòlënczi.
12. Ùchwòlënczi wëszëznów Stowôrë sã pòdjimóné zwëczajną wikszoscã gòsów przë bëcym co nômni pòłowë nôležników ùpòwòżnionëch do welowaniégò, chiba, że Sztatut pòdòwò jinaczi. W przëtròfkù równégò rozłòzeniégò gòsów rozsãdzywò gòs prowadnika zëndzeniégò. Ùchwòlënczi sã pòdjimóné w jawnym welowaniu, chiba, że krëjamnégò welowaniégò zażãdò 1/3 nôležników, chtërny sã na zëndzeniu, abò zarzãdzy je prowadnik zëndzeniégò. Ùchwòlënczi Zëndzeniégò mògã téz bëc ùdbóné w drëdzim czasie, jaczi òstónie wëznaczone w tim samym dniu, nié rëchli jak 15 mënutów pò pierwszim czasie, ò czim nôlezi dac wiédzã w òbznòjmieniu ò zëndzeniu, bez zdrzeniégò na lëczbã lëdzy, chtërny sã ě mają prawò do welowaniégò, zwëczajną wiãkzoscã gòsów, z tim, że wëbiëranie Przędnika Stowôrë, a téz

zmianë w Sztatuce i rozwiãzanië Stowôrë robioné sã absolutnã wikszoscã głosów.

13. Wëbiëranie wëszëznów Stowôrë òdbiwô sã w krëjamnym welowanim zwëczajnã wiãkszoscã głosów przë bëcym co nômni pòłowë nôleźników, jaczi mają prawò do wëbiëraniégò z tim, że welowanie na Przędnika Stowôrë robioné je absolutnã wikszoscã głosów.
14. Przë dofùlowanim wëszëznów Stowôrë pasowno stosëje sã 11 i 12 pãkt Szta-tutu.
15. Nòleźnicë wëszëznów Stowôrë mògã bëc òdwòłony bez òrgón, chtëren miòł jich wëbrónë abò pòwòłóné. Wniosk ò òdwòłanië mòże bëc zgłoszony bez co nômni 1/3 sztatutowégò składu òrganu abò bez jegò prowadnika. Òdwòłanië nôleźników wëszëznów je robioné w krëjamnym welowanim absolutnã wikszoscã głosów, przë bëcym co nômni pòłowë ùpòwòźnionëch, z tim że òdwòłanië Przędnika Stowôrë przëchòdò równo z pòwòłanim nowégò przëdnika wiãkszoscã 2/3 głosów przë bëcym co nômni pòłowë ùpòwòźnionëch. Òdwòłanië z fãkcje delegata na Zjòzd Delegatów je nié do zrobieniégò.
16. Ni mòžno bëc w jednym czasie nôleźnikã ùchwòlënkòdajnégò ë rewizjowégò òrganu.
17. Kadencjò nôleźników wëszëznów Stowôrë warò òd dnia wëbraniégò do dnia wëbraniégò nôleźników pòstãpny kadencje.

## II DZËL

### CËLE STOWÔRË Ë ÔRTË JICH REALIZACJE

1. Célã Stowôrë je rozwij nôrodny, òbëwatelszi ë kùlturowi swiãdë Kaszëbów, òchróna jich jãzëka i tradicje, a téz nôùkòwé, pòùczné dziejanië ë na rzecz nôrodnëch, etnicznych miészëznów a spòlëznów ùziwajacëch regionalnégò jãzëka, wspierajacé rozwij mòlowëch pòspòlnotów i spòlëznów, z zòkrãžë ùwszãdzeniégò fizyczny kùlturë ë spòrtu, òchrónë nôtërny spòdkòwiznë, jak téz pòpiëranie eùropejszi jintegracje i rozwiju kòntaktów ë wespółrobòtë midzë spòlëznama, w tim òsoblëwò:
  - a) rozbùdzanië ë ùmòcniwanië nôrodny swiãdë Kaszëbów,
  - b) òdroda kaszëbsczi kùlturë,
  - c) propagòwanië wiédzë ò Kaszëbach,
  - d) òchróna etnicznych prawów lëdzy, jaczi deklarëjã przënòleźnotã do kaszëbsczi nôrodnoscë,
  - e) sztòłtowanië ë rozwijanië westrzòd kaszëbsczégò lëdu aktywny òbëwatelsczi pòstawë, žeczny pòwstòwanimù wseczëca całownégò rzãdzeniégò i wespółòdpòwiedzalnotë za swòjã tarczëznã,

- f) stara ò turistné wòrtnotë przë równoczasowi dbie ò rodã Kaszub,
  - g) ùwszãdzywanié ë òchróna wòlnotë i prawów człowieka, jak téz òbëwatelsekich swòbòdów a wespółòganié rozwiju demòkracje,
  - h) dzejanié na rzecz eùropejszi jintegracje, jak téz rozwijaniégò kòntaktów i wespółòbòtë midzë spòlëznama,
  - i) ùtrzëmiwanié kùlturowëch ë ekòomicznëch kòntaktów ze strzodowiszczã Kaszëbów bez zdrzeniégò na mòl mieszkaniégò, a téz pòdtrzëmiwanié westrzód nich emocjonalny zrzeszë z domòcyma stronama,
  - j) promòcjô i sztòłtowanié pòzytiwnégò òbrazu Kaszub,
  - k) promòcjô zdrowiéggò i òchróna zdrowiéggò,
  - l) promòcjô zdrów jòdë, w tim rëbów ë rëbnëch wërobiznów, jak téz regionalnëch produktów,
  - m) òchróna rodë ë promòcjô proekòlogòwégò dzejaniégò.
2. Stowòra swòje cële realizëje òsoblëwò pòprzez:
- a) programòwé dzejanié,
  - b) kùlturalno-pòuczné dzejanié,
  - c) nôùkòwé dzejanié,
  - d) wëdowné dzejanié,
  - e) pòpùlarizatorné dzejanié,
  - f) socjalné ë charitatiwné dzejanié,
  - g) prowadzenié i pòpiëranié gòspòdarzeniowégò dzejaniégò,
  - h) robòtã z młodzëznã,
  - i) zakłòdanié ë prowadzenié szkòłów, òstrzòdków sztòłceniégò, douczaniégò i zbëlnianiégò szkòlnëch, òstrzòdków bezùstònkòwégò sztòłceniégò szkòlnëch, a téz jinszych pòuczno-wëchòwnëch ë kùlturalnëch placów,
  - j) òrganizowanié lôgrów i kòloniów, jak téz jinëch zortów wëpòczinkù dlò dzecy ë młodzëznë,
  - k) wespółòbòtã z òrganizacjama, chtërnëch dzejanié je jistné z cëlama Stowòrë.

### **III DZÉL**

#### **NÔLEŹNICË, JICH PRAWA I ÒBÒWIAŹCZI**

1. Nòleźnikama Stowòrë są:
  - a) zwëczajny nòleźnicë,

- b) wspiérny nôležnicë,
- c) hònorny nôležnicë.

Ti nôležnicë òrganizacjowò nôležą do pasownégò karna Stowôrë.

2. Nôležnikama Stowôrë mògą bëc òbëwatele Pòlsczi Repùbliczi ë cëzyńcowie.
3. Zwëczajnym nôležnikã Stowôrë mòże bëc człowiek òd 16 rokù zëcégò.
4. Nieùstny wiãcy 13 lat stòri:
  - a) mògą bëc przëjimóny do karna zwëczajnych nôležników Stowôrë za zgòdą jich starszich, abò prawnëch przedstòwców,
  - b) ni mają dzejnégò ani pasywnégò welownégò prawa do wëszëznów Stowôrë.
5. Przëjãcé zwëczajnégò nôležnika do Stowôrë przëchòdò pò złożënim richtich wëfùlowóny i pòdpisóny deklaracje nôležnika. Ùchwòlënk w sprawie przëjãcégò do karna nôležników pòdjimò Zarząd òb czas miesãca òd złożëniégò deklaracje.
6. Wspiérnym nôležnikã Stowôrë mòże bëc fizycznò, abò prawnò persóna, jakò przëklòdò sã do rozwiju Stowôrë, ùznajãcé cële, chtërne sã w Sztatuce. Wspiérny nôležnicë mògą deklarowac płacënié skłòdków, abò na jiny òrt wspierac dzejanié Stowôrë. Ùchwòlënk ò danim wspiérnégò nôležnictwa pòdjimò Zarząd Stowôrë.
7. Titel hònornégò nôležnika Stowôrë je nadòwóny bez Zjòzd Delegatów fizyczny persónie w ùznanim za nadzwëkòwé zasłëdzi w dzejanim zgòdnym z cëlama Stowôrë.
8. Zwëczajny nôležnicë mają prawò:
  - a) brac ùdzél w dzejanim Stowôrë,
  - b) zgłòsziwac pòstulatë do wëszëznów Stowôrë,
  - c) pasywnégò ë dzejnégò wëbieraniégò do wëszëznów Stowôrë.
9. Zwëczajny nôležnicë mają òbòwiãzk:
  - a) trzëmac sã rozsãdzeniów Sztatutu i regùlaminów, jak téz czerowac sã wedle ùchwòlënków wëszëznów Stowôrë,
  - b) aktiwno brac ùdzél w dzejanim Stowôrë,
  - c) brac ùdzél w robòce pasownégò karna,
  - d) wiedno na czas płacëc skłòdczi,
  - e) pòczestno prowadzëc spòlëznowé dzejanié w òbrëmienim Stowôrë,
  - f) pòczestno i ùtcëwò sprawiac fãkcje pòchòdajãcé z welacje,
  - g) miec starã ò dobré miono Stowôrë.

10. Lédze, chtěrný zgłosziwają wniosk ò pòwòłanié kragù Stowôrë (nôleżnicë-założcowie), jezlë òb czas skłòdaniégò wnioskù nie są nôleżnikama Stowôrë, ji nôleżnikama stòwają sã z dnia daniégò mòcë ùchwólënkòwi ò pòwòłanim karna, pò rëchlészim wëfùlowanim ë pòdpisanim deklaracje nôleżnika.
11. Wspiérny ë hònorny nôleżnicë mają prawò do braniégò ùdzëlu w radzenim Òglowégò Zéndzeniégò Nôleżników z doradnym glosã, a téz z wëjimkã pasywnégò ë dzejnégò welownégò prawa, mają prawa zwëczajnégò nôleżnika.
12. Wspiérny nôleżnicë mają òbòwiãzci òpisóné w 9 pãkce ze zastrzëgã ùriwkù f).
13. Hònorny nôleżnicë mają òbòwiãzci òpisóné w 9 pãkce z wëjimkã płaceniégò skłòdków.
14. Nôleżnicë ni mògã nôlezec do òrganizacjów ò procëmnëch cëlach do cëlów Stowôrë.
15. Nôleżnictwò w Stowôrze ùstòwò w przëtròfkù:
  - a) dobrowólnégò wëstãpieniégò zgłoszonégò na papiorze do Zarządu,
  - b) wëlãzeniégò ze Stowôrë na mòcë ùchwólënkù Zarządu,
  - c) wëszechnieniégò z registru nôleżników,
  - d) smiercë nôleżnika.
16. Z registru nôleżników Zarząd wëszechiwò w wëpòdkù nieplaceniégò skłòdków òb czas dwùch lat.
17. Zawieszenié nôleżnictwa nastãpuje:
  - a) na wniosk zgłoszony na papiorze bez samégò zajinteresérowónégò Zarządowi Stowôrë na czas nié dlëgszi jak rok,
  - b) na spòdlim ùchwólënkù Zarządu.
18. W czasie zawieszeniégò nôleżnik nie kòrzëstò z prawów nôleżnika, jak téz je zwòlniony z òbòwiãzkù płaceniégò nôleżnikòwëch skłòdków i braniégò ùdzëlu w dzejanim Stowôrë.
19. Za nietrzimanié sã rozsãdzeniów Sztatutu ë regùlaminów, niedopasowanié sã do ùchwólënków wësżëznów Stowôrë, dzejanié przék cëlóm Stowôrë, a téz czej je òn òbskarzony ò sromòtné ùczinczi, nôleżnik mòze bëc ùkòróny bez Zarząd.
20. Zarząd mòze zasãdzëc nôleżnikóm nòslédné sztròfë:
  - a) ùpòmniënié,
  - b) lòdinga,
  - c) òdebranié sprawióny fãkcje,
  - d) zawieszenié w prawach nôleżnika na czas do 12 miesãcy,
  - e) wëlãzenié ze Stowôrë.

Prawòmòcné zasądzénie sztrófě zawieszeniégò w prawach nòleźnika je przèczënë stratě nòleźnictwa we wészëznach Stowòrë.

21. Człowiek ùkòróny bez Zarząd mò prawò òdwòlac sã do Zjazdu Delegatów òb czas 30 dniów òd datě dorãczeniégò pasownégò ùchwòlënkù. Ùchwòlënk Zjazdu Delegatów je òstateczny.
22. Zarząd w òdniesenim do prowadników karnów w ùdokòzónëch przëtròfkach, ùchwòlënkã pòdjãtim absolutną wikszoscã głosów mòże:
  - a) wstrzëmac wëkònanie ùchwòlënków ë sčerowac wniosk do Rewizjowi Kòmisje,
  - b) òdwòlac prowadnika karna, zarządzëc nowã welacjã, ùstanawiającë w jegò plac Kòmisarza do czasu zrobieniégò òb czas 6 miesãcy nowégò welowaniégò.

#### **IV DZÉL**

#### **WÉSZËZNË STOWÓRË**

1. Òrganama Stowòrë sã:
  - a) Zjòzd Delegatów,
  - b) Programòwò Radzëzna,
  - c) Zarząd,
  - d) Przędnik Stowòrë,
  - e) Rewizjowò Kòmisjò.
2. Kadencjowòsc òrganów Stowòrë wëznacziwò sã na trzë lata.
3. Zjòzd Delegatów je òrganã Stowòrë òd mòmentu ùtwòrzeniégò co nòmni 8 karnów, do negò czasu jegò kòmpetencje wëkònywò Òglowé Zéndzenie Nòleźników. Kùli razy w tim Sztatuce gòdka je ò Zjezdze Delegatów, rozmieje sã bez to téz Òglowé Zéndzenie Nòleźników.
4. Zjòzd Delegatów je zwòliwóny na zwëczajny, abò nadzwëczajny òrt.
5. Zjòzd Delegatów na zwëczajny òrt zwòliwò Zarząd na co nòmni miesãc przed planowónym czasã Zjazdu Delegatów. Zjòzd Delegatów zwòliwóny na zwëczajny òrt òdbiwò sã przënòmni 1 ròz na rok.
6. Zjòzd Delegatów na nadzwëczajny òrt je zwòliwóny bez Zarząd w cëlu rozsãdzeniégò kònkretnëch sprawów pòdónëch we wnioskù ò zwòlanie Zjazdu Delegatów. Z jinicjatiwã zwòlaniégò Zjazdu Delegatów na nadzwëczajny òrt mòże wëstãpic Zarząd, abò Rewizjowò Kòmisjò.
7. Zarząd zwòliwò Zjòzd Delegatów na nadzwëczajny òrt, czej je mùsz:
  - a) wëbrac Przędnika Stowòrë,

- b) dofùlowac skłòd Rewizjowi Kòmisje ò co nòmni 2/3 składu.
8. Delegatowie na Zjòzd Delegatów są òddelegòwóny bez kòzdé z karnów Stowòrè w propòrcje ùradzony bez Zarząd. Nòležnicè òrganów Stowòrè, o jaczych je gòdka w pàktach 1b ã c są z ùrządu delegatama na Zjòzd Delegatów. Kadencjò delegatów to 3 lata.
  9. Delegatama na Zjòzd Delegatów zwòłony na nadzwèczajny òrt są delegatowie wèbróny na slédny Zjòzd Delegatów zwòłony na zwèczajny òrt, a téz nòležnicè òrganów Stowòrè, ò jaczi je gòdka w pàktach 1b, c, d i e.
  10. Jinfòrmacje ò Zjezdze Delegatów delegatòm rozsélò Zarząd na co nòmni sz-tèrè tidzenie przed planowónym czasã Zjazdu Delegatów. W przètròfkù zwòłaniégò Zjazdu Delegatów na nadzwèczajny òrt wiadła mùszalèbè òstac rozeslóné na co nòmni dwa tidzenie przed planowónym Zjazdã Delegatów.
  11. Programòwã Radzèznã Stowòrè wèbiérò Zjòzd Delegatów. Mòze òna rechòwac òd piãc do dzesãc sztèk lédzy; ùchwòlènk ò pòwòłanim Programowi Radzèznè, za kòzdim razã pòdòwò lèczbã nòležników Radzèznè na nã kadencjã.
  12. Prowadnika Radzèznè wèbiérajã z westrzòd se nòležnicè Radzèznè.
  13. Sekretariat Radzèznè zagwèsniwò Zarząd Stowòrè.
  14. Programòwò Radzèzna Stowòrè zbiérò sã w času midzè Zjazdama Delegatów.
  15. Programòwò Radzèzna ùchwòliwò projektè programów dzejaniégò Stowòrè ã prowadzy dozér nad jich aktualnã realizacjã.
  16. Zjòzd Delagatów:
    - a) ùchwòliwò Sztatut Stowòrè,
    - b) ùchwòliwò regùlamin dzejaniégò Programowi Radzèznè, Zarządu ã Rewizjowi Kòmisje Stowòrè,
    - c) ùchwòliwò, na wniosk Programowi Radzèznè, programã i czerènczi dzejaniégò Stowòrè,
    - d) wèbiérò ã òdwòliwò Programòwã Radzèznã Stowòrè,
    - e) wèbiérò ã òdwòliwò Przédnika Stowòrè ze swòjégò gróna,
    - f) wèbiérò ã òdwòliwò ze swòjégò gróna 3 nòležników Rewizjowi Kòmisje, a téz na wniosk Przédnika Stowòrè 4-5 persónowi Zarząd, w tim òd jednégò do dwùch Wiceprzédników, Sekretérã ã Kasérã,
    - g) ùchwòliwò swòj regùlamin,
    - h) rozsãdzywò kadencjowé sprawòzdanã Zarządu ã Rewizjowi Kòmisje, jak téz na wniosk Rewizjowi Kòmisje dòwò Zarządowi absolutorium,
    - i) rozsãdzywò òdwòłania òd ùchwòlènków Zarządu,
    - j) pòdjimò ùchwòlènk ò rozwiązanim abò przesztòlènim Stowòrè,

- k) rozsądzywô sprawë i pòdjimô ùchwólënczi w sprawach przedstówionëch bez wëszëznë Stowôrë, a téż bez delegatów,
- l) ùchwòliwô bùdżet Stowôrë ë zacwierdzywô sprawòzdanié z jegò wëkònaniegò.

17. Prëdnik Stowôrë:

- a) w czasie midzë zëndzenia Zarządu czerëje Stowôrà,
- b) reprezentëje Stowôrà,
- c) zwòliwô zëndzenia Zarządu, bédëje pòrządk radzeniégò a czerëje jegò dzejanim
- d) ùpòwòzniwô jinszych nòleżników Zarządu do reprezentérowaniégò Stowôrë we wëznaczonym òbrëmienim,
- e) przedstówiô Zjazdowi Delegatów kadencjowé sprawòzdanié Zarządu.

18. W skłòd Zarządu wchòdają:

- a) Prëdnik Stowôrë,
- b) òd jednégò do dwùch Wiceprëdników Stowôrë, pòwòlóny na wniosk Prëdnika Stowôrë bez Zjòzd Delegatów ze swòjégò gróna absolutną wikszosą głòsów,
- c) Sekretéra ë Kaséra, pòwòlóny na wniosk Prëdnika Stowôrë bez Zjòzd Delegatów absolutną wikszosą głòsów,
- d) razã Zarząd rechùje nié wiãcy jak 5 sztëk lëdzy.

19. Zëndzenia Zarządu zwòliwô Prëdnik Stowôrë co nòmni rôz na dwa miesãce, abò wiedno na wniosk co nòmni 1/3 nòleżników Zarządu.

20. Zarząd òsoblëwò:

- a) zagwësniwô realizacjã ùchwólënków Zjazdu Delegatów,
- b) zajimô stanowiszcze w sprawach, chtërne są przedmiotã zajinteresowaniégò Stowôrë,
- c) zwòliwô Zjòzd Delegatów,
- d) pòwòliwô przedstòwców abò programòwé karna do realizacje pasownëch zadaniów,
- e) czerëje aktualnym dzejanim Stowôrë,
- f) zacwierdzywô kadencjowé sprawòzdania przëszëkòwóné bez Prëdnika Stowôrë,
- g) ùsadywô regùlamin robòtë Zarządu, z òsoblëwim zdrzenim na zadania Wiceprëdników Stowôrë, Sekretérë i Kasérë,
- h) przëjimô ë wësztrichiwô nòleżników z registru Stowôrë,
- i) pòwòliwô ë rozwiãzywô mòlowé karna.



21. Rewizjowô Kòmisjô je kòntrolnym òrganã Stowòrë.
22. W skłòd Rewizjowi Kòmisje wchòdò 3 nòležników. Wëbiérò òna ze swòjégò gróna Prowadnika, jegò zastãpcã a Sekretérã.
23. Rewizjowô Kòmisjô:
- a) co nòmni ròz na rok robi kòntrolã całégò dzejaniégò òrganów Stowòrë, z òsoblëwim zdrzenim na financowé dzejanié, a sprawòzdania z kòntrolë przedstòwiò Zarządowi,
  - b) wëstãpiwò do Zarządu z pòkòntrowima wnioskama,
  - c) czerëje wniosczì do Zarządu w wëpòdkù scwierdzeniégò narëszeniégò Sztatutu,
  - d) wëstãpiwò na Zjezdze Delegatów z wnioskama w sprawie daniégò absolutorium Zarządowi, jaczi ùstãpiwò,
  - e) kòntrolëje dzejanié Zarządu, a téz kòzdegò karna ze swòji jinicjatiwë abò na wniosk Zarządu abò Programowi Radzëznë,
  - f) wëstãpiwò do Zarządu z wnioskã ò zwòłanié Zjazdu Delegatów na nadzwëczajny òrt.
24. Zéńdzenia Rewizjowi Kòmisje òdbiwają sã nié rzadzy jak ròz na rok, a ji nòležnikòwie mają przistãp do wszëtczich dokùmèntów Stowòrë.
25. Dokładny spòsòb robòtë Rewizjowi Kòmisje òpisywò regùlamin ùchwòlony bez Rewizjowã Kòmisjã i zacwierdzony bez Zarząd.
26. Nòležnicë Rewizjowi Kòmisje:
- a) ni mògã bëc nòležnikama Zarządu ani bëc z nima krewny, skrewniony abò slëchac jima w robòce,
  - b) ni mògã bëc skazony prawòmòcnym òbsãdã za przesprawã z ùmëslny winë,
  - c) spròwiają swòje fãkcje spòlëznowò ë nie dostòwają z ti przëczënë mita ani zwróceniégò kòszków.
27. Zakòzywò sã:
- a) dówaniégò pòzëczków abò zabezpieczaniégò majątkòwëch òbrzëszków Stowòrë w stosènkù do jegò nòležników, nòležników òrganów abò robòtników, a téz lëdzy, z chtërnyma robòtnicë są żeniałi, abò w prosti linie krewny abò skrewniony,
  - b) przekòzywaniégò majątkù Stowòrë na rzecz jegò nòležników, nòležników òrganów abò robòtników, a téz jich blisczych, wedle jinszych reglów jak w stosènkù do trzecëch, a òsoblëwò jezlë to przekòzanié je robioné za darmòk abò na preferencjowim spòdlim,
  - c) wëzwëskiwaniégò majątkù na rzecz nòležników Stowòrë, nòležników òrganów abò robòtników, a téz jich blisczych, wedle jinszych reglów jak w

stosënkù do trzecëch, wierã ze to wëzwëskanié bezpòstrzédno wëchôdô ze sztatutowégò célu Stowôrë,

- d) kùpianiégò na spòdlim apartnëch prawów towarów abò ùslëżnotów òd òperatorów, w chtërnëch biorã ùdzél nôleżnicë Stowôrë, nôleżnicë ji òrganów abò robòtnicë, jak téż jich blisczi.

## **V DZÉL MÔLOWÉ KARNA**

1. Môlowé karna są spòdlecznym òrganizacjowim dzélã Stowôrë, jaczi twòrzi minimùm 5 sztëk nôleżników. Môżlëwé je bëcé nôleżnikã blós jednégò karna. W kòzdi môlëżnie abò dzélu miasta mòże bëc leno jedno môlowé karno.
2. Nôleżnik Stowôrë mòże miec sã ò przeniesenié do jinégò wëbrónégò bez se karna. Rozsãdzenié ò przenieseniem pòdjimô Zarząd. Nen ùchwólënk Zarząd zarô przekôzywô przënôleżnémù prowadnikòwi karna, z chtërnégò nen nôleżnik sã wëpisôł.
3. Na pòwòłanié karna zgòdã dôwô abò ji òdmôwiô Zarząd Stowôrë òb czas miesãca òd złozeniégò wnioskù. Òd òdmòwnégò rozsãdzeniégò Zarządu w sprawie pòwòłaniégò karna wnioskòdôwôcz mòże òdwòłac sã do Zjazdu Delegatów, jaczégò rozsãdzenié je òstateczné.
4. Z wnioskã ò pòwòłanié karna mògã wëstãpic téż lëdze, chtërny w mòmënce jegò skłòdaniégò nie są nôleżnikama Stowôrë (nôleżnicë-załózcowie), z ùznanim rozsãdzeniów III Dzélu 10 pãkt negò sztatutu.
5. Wniosk ò rozwiãzanié karna mòże zložëc do Zarządu kòzden nôleżnik Stowôrë. Karno mòże bëc rozwiãzóné blós w przëtrôfkù, czej nôleżnicë karna òstro narëszyłë sztatut, ùchwólënczi wësżëznów Stowôrë abò niechełë sztatutowégò dzejaniégò.
6. Do kòmpetencjów karnów nôleżi prowadzenié dzejaniégò Stowôrë we wszëtczich sprawach, jaczé są w òbrëmieniem zajinteresowaniégò Stowôrë na terenie, na chtërnym dzejô karno, a jaczé nie są w sztatuce zastrzegłë dlô jin-szich wësżëznów Stowôrë.
7. Zéndzenié nôleżników karna mòże pòdjimac ùchwólënczi, zlé w zéndzeniem bierze ùdzél co nômni 3/5 nôleżników karna. Ùchwólënczi w persónowëch sprawach mògã bëc pòdjimóné òb czas bëtnoscë co nômni pòłowë majãcëch prawò do welowaniégò.
8. Kòpiã protokòła ze zéndzeniégò karna, razã z pòdjãtima ùchwólënkama, prowadnik karna przekôzywô do Zarządu nòpòzni òb czas miesãca òd zéndzeniégò.
9. Wësżëznama karna są:
  - a) zéndzenié nôleżników karna,

- b) przewodnik karna, wëbieróny bez zëndzenié nôležników karna absolutną większością głosów.
10. Do kòmpetencjów zëndzeniégò nôležników karna nôleži:
- a) wëbranié przewodnika karna,
  - b) wëbranié delegatów na Zjôzd Delegatów,
  - c) pòdjimanié rozsądzeniów ë ùchwôlënków w sprawach, chtërne w sztatuce nie są zastrzegłé blós dlô jinszych sztatutowëch òrganów Stowôrë, jaczé są w òbrëmieniu zajinteresowaniégò Stowôrë na terenie dzejaniégò karna,
  - d) zacwierdzywanié programë dzejaniégò karna,
  - e) òbtaksowiwanié dzejaniégò karna,
  - f) jiné kòmpetencje, chtërne wëchôdają z negò sztatutu.
11. Zëndzenié nôležników karna, jaczé nie wëbrało delegatów na Zjôzd, w czasie wëznaczonym bez Zarząd Stowôrë, mòże, za zgòdą Zarządu, wëbrać delegatów pò nym czasie.
12. Do kòmpetencjów przewodnika karna nôleži:
- a) zwòliwanié ze swòji jinicjatiwë nié rzadzy jak rôz na 3 miesące abò na pisowné żądanié co nômni 1/3 nôležników karna nôpóźni òb czas 14 dniów òd datë złożeniégò negò żadanego zëndzeniégò nôležników karna, bédowanié pòrządkù radzeniégò ë czerowanié jegò radzenim,
  - b) repetezentérowanié karna bùten,
  - c) jiné kòmpetencje, chtërne wëchôdają z negò sztatutu.

## VI DZÉL MAJĄTK STOWÔRË

1. Majątk Stowôrë to nierësznôtë, rëszné rzeczë, a téż jinszé majątkòwé ë niemajątkòwé prawa.
2. Zdrojama pòwstòwaniégò majątkù Stowôrë są:
  - a) skłôdcki nôležników,
  - b) zwësk z majątkù,
  - c) darowiznë i ùdëtkòwienia,
  - d) spòsobë,
  - e) zwësk z pùblicznégò dzejaniégò,
  - f) zwësk z gòspòdarzeniowégò dzejaniégò.

3. Dlô wôznoscë òswiôdczeniów wòlë, jak téz wszelejaczich pismionów w òbrëmienim prawów ë òbòwiãzków Stowôrë wëmôgóné sã pòdpisënczi 2 nôleźników Zarządu.
4. Dlô wôznoscë jinszych pismionów ë dokùmentów wëmôgóné sã pòdpisënczi pasowno Przędnika Stowôrë abò w sprawach tikajęcëch sã karna – prowadnika karna.
5. Skłôdczi nôleźników ùchwòliwò Zjôzd Delegatów. Miałëbë òne bëc zapłaconé do kùńca I kwartału kòzdegò roku. Nowò przëjãti nôleźnicë płacã skłôdczi wedle reglów wëznaczonëch bez Zarząd òb czas 2 tidzeniów òd dostaniégò zaswiôdczeniégò ò przëjãcym nôleźnika.
6. 10% sëmë pòchòdajãcy ze skłôdków nôleźników karno przesélò do 30 czerwińca na kònto Zarządu Stowôrë.
7. Stowôra mòże prowadzëc gòspòdarzeniowé dziejanié na òglowëch prawach wëznaczonëch w apartnëch reglach. Zwësk z gòspòdarzeniowégò dziejaniégò Stowôrë słuži realizacjë sztatutowëch célów i ni mòże bëc dóny do pòdzeleniégò midzë ji nôleźników.
8. Òbrechòwnym ë rozrechòwnym rokã Stowôrë je kalãdòrzowi rok.
9. Regle prowadzeniégò finansowégò gòspòdarzënkù Stowôrë ùstanòwiò Zarząd.

## **VII DZÉL**

### **ZMIANA SZTATUTU, ROZWIĄZANIÉ Ę LIKWIDACJÓ**

### **STOWÔRĚ**

1. Z wnioskã ò zmianã Sztatutu abò o rozwiązanié Stowôrë mòże wëstãpic:
  - a) Rewizjowò Kòmisjò,
  - b) Zarząd,
  - c) Programòwò Radzëzna,
  - d) karno co nòmni 2/5 nôleźników Òglowégò Zéndzeniégò Nôleźników Stowôrë abò delegatów na Zjôzd Delegatów.
2. Sztatut i jegò zmianë, a téz rozwiązanié Stowôrë ùchwòliwóné sã bez Zjôzd Delegatów wikszoscã 2/3 głósów przë bëcym co nòmni 1/2 delegatów.
3. W wëpòdkù pòdjãcégò ùchwòlënkù ò rozwiązanim Stowôrë Zjôzd Delegatów pòwòliwò likwidacjowã kòmisjã, jakò przeprowadzy likwidacjã zgòdno z ùchwòlónyma wskòzama. Zjôzd Delegatów mòże wskazac òrganizacjã abò jinstytucjã, na rzecz chtërny przëdze majątk Stowôrë pò przeprowadzenim likwidacjowégò procesu.

Héwòtny Sztatut òstòł przëjãti 4 czerwińca 2011 rokù.

Pòdpisënczi Kòmitetu Założców:

Artur Jabłońsczi –

Nataliô Lądowskô –

Karól Róda –